



國家清史編纂委員會·文獻叢刊

清代詩文集彙編

國家清史編纂委員會·文獻叢刊

# 清代詩文集彙編

《清代詩文集彙編》編纂委員會 編

上海古籍出版社

# 清代詩文集彙編 七四一

思無邪齋詩存八卷 官爾鐸撰

一

思無邪齋文存六卷 官爾鐸撰

八一

思無邪齋文存續集二卷思無邪齋詩存續集四卷 官爾鐸撰

一七九

宦學集初編四卷（愚軒文鈔二卷詩鈔二卷附詩餘）宦學集二編五卷

（愚軒文鈔五卷）附憩塵噍試帖一卷 孫國楨撰

二四九

脂雪軒詩鈔六卷 胡玠撰

五〇九

補愚詩存五卷（望甦吟草一卷金陵紀事詩一卷來復吟草一卷）

寸陰室吟稿一卷代琴小詠一卷 陳慶甲撰

五四一

青萍軒文錄二卷青萍軒詩錄一卷 薛福保撰

五七九

寄漚遺集八卷附何允孝撰醒齋遺集二卷（文一卷詩一卷） 何延慶撰

六二五



思無邪  
詩存

光緒己丑刻於馮翊  
潞河李嘉績澹署

思無邪齋詩存

序

吾鄉功名之最奇者莫如大中丞官  
氏官氏遷懷後代有偉人百餘年來  
耳目所及若星榻庶侯兩太史以詞  
臣備任清班漢曉範亭翹望諸先  
生以春秋榜拔萃科或官郎署或  
為牧宰然階不過五品漢曉範亭星  
榻以文章顯翹望庶侯以詩詞著政  
多不載惟大中丞玉巖公不事科目  
由別駕司馬荐歷開府所在政蹟勲  
名炳於史冊至今遠近傳誦者驚為  
異事談若奇書豈聰明本於天縱  
乎抑亦淡泊寧靜集思廣益有以  
致之而然乎農山太守中丞元孫太  
史猶子與余為忘年交未弱冠即  
遭變亂投筆從戎由軍功晉秩監

司然每以不由科目為恨余獨謂不然夫人坐精力不過數十年而經世之書動輒千萬卷蓋以天地五行之故形勝風土之宜其足廣見聞增才智又復千百卷皆匡居坐論時所宜備而乃日取時藝數卷心追手摹之將古人所謂讀書養氣者盡於是乎是力幸而得志

二

學淺不足治民才疎不堪應務不幸而不得志復取向之致力者精益求精且惟恐以不急之書誤其簡練而不知所謂急者終為無用而所謂不急者實為有用惜乎其終不暇見也農山不幸生當變亂帖括無所用故能留心古今事變以期有補於時若幸際承平得事

詞華之學其不致誤其精力者幾何哉當賊擾畿輔時西林宮保特遣農山佐善臣提軍往經其事不旋踵奏凱以還雖善臣之善戰使然而農山之略有以致之也農山在軍數年度務揆幾暇則流覽簡編間亦從事詠晚者軍竣後以西省太守入覲旋至西江省幕途次益致力於詩

三

所遇山川人物輒發為詠歌而其音亦駸入古昔管異之謂翹望詩似永叔許叔翹謂庶侯詩近放翁余則謂農山詩得杜少陵岑嘉州遺意農山之年亦也他時覽閩中之壯麗吊邊外之蒼涼發為閩詞吐為奇氣更不知其所至何等矣杜其行也序以送之若夫克繼中

承以昭偉業則早於其不誤用精神  
而好讀有用書信之清以驗之異日  
焉可屠維大荒落堯始華之日月  
川第高錫基拜序

四

序  
序千里之士綜其農佃賦役  
刑獄教化檄督厲其令長  
丞倅居高而際下任重而事  
叢此其吟咏聲律宜有不  
遑及者又況兵火之後機務  
填委救拯溺皇皇恐後尚  
能營篇什追風雖乎其或名  
位既崇結習未忘馱馱吏事  
咀麝宮商攬寫性靈以為達  
發揮山水以為高職業潛隨  
湯不省識詩則優矣如曠官  
何由是言之吏治實也篇章  
華也宦成則詩廢耽吟則政

荒二者固不可兼也夫今讀  
農山觀察守郡之詩乃喟然  
服且嘆曰嗟乎詩與政豈相  
厄哉觀察公需次長安權  
同人詩會中得識其人觀其  
詩所好之是歲公出守延安  
同人各為詩送行明年權

稅河陽公寄詩相存問其詩  
恢奇卓犖視在長安時益進  
又明車權奉檄赴延長以厲  
吏禮謁公郡廡公出其守郡  
以來詩自題為一麾集者亦  
之則益厚且醇視河陽所見  
又大進夫詩窮者業也窮所

後工前哲論之矣詩進官退  
達人嘆之矣獨公之詩則與  
官竝進且與政俱優豈其精  
力過人達與抑薦好之至致  
力於此者深與非然也惟  
敦厚者詩心也與革利病者  
政體也公以惟惻敦厚之心

為政於是哺矜寡藥創痍身  
被者頌之曰惠以興革利病  
之志為詩是以歌有思哭有  
懷曷嚴浮藻不參其間品評  
者目之曰醇詩寓於政耶抑  
政寓於詩耶在未有觀公詩  
者第觀其設施措置而詩可

知有未觀公之政者第熟讀  
 深味此集而政亦可知矣顧  
 其以政為詩渾而一之者何  
 道也曰仁也夫唯憂時感事  
 憫念黎元之真意鬱曲周浹  
 悶極欲發隨所見山川草木  
 鳥獸邊塞亭障遙設耕戰觸

四

境傾寫若逝水之不可杜塞  
 苞萌之不可揜闕此豈獨公  
 詩為然哉自古詩人眾矣位  
 之窮達詩之大小各不同其  
 本於仁心則皆同仁人豈必  
 以詩見然未有不仁之人而  
 能有真詩者也嗚乎權於公

思無邪齋詩存

詩僖之兵同治壬申嘉平月  
 除歲前十日伏羌王權謹序

五

五



序

宮農山太守守上郡之四年解郡事歸出詩數卷示余所謂一麾集者余受而讀之乃歎曰邈哉何思之深也其有憂患乎詩法之工至唐極盛獨推少陵為詩聖者何也誠以其憂天憫人感時書事溫柔

敦厚悱惻纏綿言之無罪聽者足戒有合於三百篇之旨與夫流連光景彫鏤風雲者異矣農山守上郡有政教凡所以撫綏遺氓變化風俗為政之要無不實力行之舉所歷之境一一寓之於詩故政成而詩亦大進汪洋乎巨篇寤寐乎

短章準之少陵悉能合其程度其音鏗以清其氣疏以達其詞簡以為其光黝而幽剛而不訐婉而多諷曲而能直微而愈顯原本孝弟持論忠厚而於民生之憂樂時事之得失一篇之中未嘗不三致意焉吾故曰農山之詩何思之深也

昔韓魏公喜言文章歐陽公樂言政事論者謂置其所長求其所短為大臣者固當如此余則以為文章政事互相表裏未用於時發為文章小畜之懿文德是也既用於時即可見之政事屯之經綸是也夫農山治郡特小試耳一日者攤

旌建節當封圻之任本其所學著  
為謨猷致

君克舜移風易俗澤及於當時名  
垂於太常為皋夔為稷契其所樹  
立必能如少陵自期許者余皆於  
此詩揅其券矣同治十二年歲在  
癸酉九秋下旬廣陵毛鳳枝叙

三

序

予幼習制義兼好為詩而苦無師承日取  
家藏詩集與近賢傳刻之作杜襟讀之  
雅俗混陳良楛不辨間有所作不過注魚  
吟風月於詩之源流未悉也遭世多故仗劍  
從軍乃一致力於詩佐戎清潁始得從吾鄉  
徐先生毅甫游予時年少氣盛與先生  
縱談天下事及古今興衰治亂之由睥  
睨一虫殊與後輩禮先生不目為狂且以

國士相許漸出所業就質蒙獎勵且告  
以讀書須精熟當先辨古書之真偽與  
文字之雅俗如香山長恨歌琵琶行之類  
雖久在人口直彈詞耳近之隨園風雅麈  
道矣予始聞而駭繼而疑終乃大信自是  
始漸知古賦不專以詩求詩所服膺者雜  
駢十九首而外魏則陳思晉則傅明唐則  
高岑李韓而以杜為大宗舊所愛概屏  
去然日衣短後衣馳騁於冰天雪窖金戈

欽馬中維欲取古人書一二而卒讀之未暇  
 也嗣賊平中原廓清需次青門因得與  
 林穎序方伯謝枚如舍人萬伯舒仲桓譚  
 西屏王心如諸君子文酒流連唱酬幾無  
 虛日誠一時盛事也無何予出守烏延  
 林謝相繼歸闕仲桓之揚州伯舒客鳳  
 翔惟西屏治兵邠坊心如攝延長事踪  
 跡最近然歲不數見已不過一二日即別  
 晚學索處舊業不增俯仰祖年中

二

夜如嘆維昔山內兵火尚熾歲存飢白  
 骨遍城野餓殍相藉也籌糧籌賑昕夕  
 不遑幸天憫殘黎秋乃大熟民慶更  
 生而予於奔走之暇情與境觸輒寄之  
 詩手錄得若干首題曰一麾集鐙窗  
 兩夕斗酒自勞展卷吟哦邊風四起  
 屋瓦皆震妖鳥夜啼顧影自失於斯  
 時也輒拔劍起舞詩北山采杞之詩誦  
 落月屋梁之句不自知清涕之橫落也詩

劣無足存特巨數載窮氣憂虞感喟  
 維補救乏術而於民生之疾苦風俗之凋  
 弊尚約畧於此篇見之故不忍棄去他  
 日歸田跨瘦衛篋短童青鞋席帽追  
 逐徐先生於龍泉山水間徐出此篇請  
 蓋必更香呂進我也同治癸酉春仲花  
 朝後三日抱璞山人宮爾鐸自序於烏延  
 郡署之西園見山軒



三

題詞

農山詩以入關後諸作為勝軒奇磊落之狀憂虞感喟之聲如聞如見沈摯悱惻得澆花遺意極其所造豈有厓限余初識農山於潁州高才盛氣有不可一世之概聞出所業就余點定余刻繩之蓋不以時賢視農山而以李杜高岑期吾農山也過汜水虎牢關一律拓開萬古心胸推倒一時豪傑農山於此不凡同治庚午立秋前三日毅甫過眼志各體沈厚堅卓格老氣蒼別未數月詩境一變足徵精進之猛庚午八月中秋節後弟林壽圖讀一過

一

近詩大見醅實能養性情推而合之古人真功夫真本領在是矣八月廿七日得賊騎東犯信自延長至雲崖鎮宜川縣感事前延州行訓孤啼冰電歎諾作雖元次山杜少陵何以加馬佩服無量愚弟謝章銓讀畢謹記

專詩筆力沈雄情意真摯舉頭天外插腳塵中是學杜而得其神髓者敬佩服丁丑暮春望八日友石方玉潤謹跋  
交農老十年喜其伉爽多英氣余每有議論輒喜動顏色間數日必治具招飲酒酣縱談時事目光如炬有魯仲連李太白風烏延京兆政蹟昭昭在人耳目所為詩古文詞以杜韓

為宗參匯各家蒼勁古逸卓然可傳甫却郡事掉臂言旋尼之不得翦燭話別離緒黯然時棘需才幸勿膏肓泉石孤奉人望也光緒戊寅仲冬山陰萬方煦志

集中五言高朗神勁七古開闔動盪要皆具體少陵知致力於此老者甚深其懷去鈔十首似青田集中得意之作秦子衡海上捉鬼圖甲戌夏二首又神似龍泉老牧矣鄭襄識於蕪湖軍次

大著七言古體及五七律胎息老杜故能於清高深穩中具雄渾勃鬱之概五七言絕句佳者在右丞龍標聞五言古體

二

曲折飛動有水清石瘦之奇可與國初逸老吳野人並驅爭先是得陶杜真衣鉢者杜詩云冰雪淨聰明雷霆走精銳舉似尊集庶幾近之輝復學鄧邦靖謹誌

大著於經營慘淡中具溫厚和平之致聞有發露亦詩人豹虎之遺既微學養功深彌見性情摯篤甲戌後諸作縱橫變化不可方物令人尋味不盡擬與君皆學杜者薄宦奔走又困於制科時俗之學不能如君之專對此令人慚汗君往矣知已遠離索居興嘆茫茫宇宙孰是知音况人心日瀉風俗

日偽獨立蒼茫怡情自詠一任後生輩之嗤點而已光緒丁亥夏初冷髯陳撰誌

三

向麟山尺五十水象

清漢書卷之四



休別趙君... 六年戎馬西中  
災區志... 識則疏未給凌  
煙上閣深媿經世之儒苦簪纓束  
縛難奔志要途噫吁嚱向予事  
學始終老於... 淮水出間乎  
... 歲字春抱... 人自頭并書





思無邪齋詩存總目

第一卷 刪餘集

古近體詩四十八首

第二卷 一麾集

古近體詩七十首

第三卷 一麾集

古近體詩七十六首

第四卷 青門集

古近體詩六十五首

思無邪齋詩存總目

第五卷 歸來集

古近體詩七十六首

第六卷 歸來集

古近體詩五十七首

第七卷 舟車集

古近體詩八十七首

第八卷 河華集

古近體詩八十五首

思無邪齋詩存

思無邪齋詩存卷一

鳳陽懷遠宮爾鐸農山

刪餘集

門人封鑑凌濟湖技刊

甲子

早行

起視列宿稀客行每畏早疾裝猶未已僕夫已在道薄霧隱前村微露露小草似聞曉耕人叱犢過田潦啞啞雞競啼搖轉征轅鄉夢夜未成欲續苦難好

霍山道中

思無邪齋詩存卷一

振策向何處亂峯青欲迷路盤千折險天壓四圍低怪石當人立饑猿繞樹啼經過獨惆悵新月挂林西

泛舟自濠梁歸

渺渺煙波闊茫茫羈旅愁中原尙戎馬大澤有扁舟客久勞歸夢家貧迫遠遊天涯頻帳望應重倚閭憂

塞下曲

裹尸馬革當生還豈爲封侯出玉關誓斬樓蘭報天子鏡詞羞唱念家山

其二

朔風凜凜陣雲飛雪滿天山夜合圍不乞  
君恩賜金紫血光新染戰袍緋

乙丑

遣悶

落落不稱意胡爲此滯甯行當理歸棹來守舊林邱世事嗟  
何極乾坤正可愁好將憂國淚沾灑白萍洲

穎川軍次送徐毅甫先生子芥歸合肥

萬馬檄防邊茫茫歲序遷遙天餘殺氣歸艇逼殘年此地送  
君去孤帆雲際懸山中三秀發隣邑尙風煙

思無邪齋詩存

卷一

二

冬郊

彤雲黯淡日無色天意蒼寒欲釀雪荒村古樹鴉亂啼斷橋  
流水冰初結朔風凜凜透重裳驢背敲詩手欲僵何處寒梅  
初破萼隔溪先爲遞幽香

丙寅

古寺

古寺深山裏扁舟絕壑隈徑荒餘虎跡地僻有雲來風定濤  
猶怒春殘梅正開江邊無驛使欲折且徘徊

寄懷方筱泉處士希五

記得來時路陂塘藕正花別離纔幾日風雪各天涯道遠書  
難達山深日易斜近來消息斷東望一長嗟

其二

造物亦何刻悲君命太慳詩吟甚楚什淚盡夢我編家  
國空餘恨江湖且歲年不堪思往事腸斷倍淒然

其三

異地新知少他鄉舊雨疎風塵一相失蹤跡近何如世亂艱  
謀食窮愁好著書故山多隱逸吾道未云孤

丁卯

思無邪齋詩存

卷一

三

客路

客路涉何極馳驅暮復朝漸驚言語異始覺故鄉遙霜雪凋  
蓬鬢煙塵暗斗杓天涯兵甲滿未忍老漁樵

過汜水縣虎牢關題壁

將星如斗月如鉤日暮驅車汜水遊燕頤功名期異域虎牢  
形勝扼中州江東無地容王猛客邸何人識馬周終夜聞鷄  
頻起舞故人幾輩已封侯

過鞏關

峻嶺嶮嵯峨驅車此地過衣冠民俗古土室穴居多驛路西

還洛雄關北控河中原形勝地登覽意如何

寄懷陳去鶚學博

近得南來信憐君際遇難一官仍落寞入口奈饑寒道直難  
爲用時艱敢自安數行鴻鴈字欲寄轉心酸

夜宿靈寶聞隣舍哭聲甚哀感而賦此

饑寒盜賊交相殂生死流離去復來我亦干戈漂泊裏那堪  
風雨哭聲哀

玉泉院

尋幽入苔徑空翠撲眉宇庭院寂無人飛泉落如雨

思無邪齋詩存

卷一

四

銅雀臺

銅雀荒涼碧草蕪老瞞身後計偏疎分香賣履何須屬伏鬼  
諸姬過阿奴

龍泉詞寄呈龍泉老牧徐先生毅甫

龍泉水出龍山腹一片清泠沁心目旁有高人數椽屋此泉  
如高人不流出山谷愧余風塵走僕僕欲往從君飲黃犢

華州道中

仗劍曾爲萬里遊隴雲秦樹起鄉愁十年戎馬關山客風雪  
瀟瀟過華州

戊辰

大雪行

朔風竟夜作虎吼重衾如鐵粟生肘晨起開門雪滿郊萬里  
寒光滌塵垢憶昔從戎萬里程雪花如掌撲弓旌朝馳冰窖  
收降虜夜率奇兵拔蔡城中興喜見消兵速無那瘡痍難驟  
復路上時聞野哭聲山邊尙有流亡屋戰伐連年苦不休昔  
時村落今荒邱干戈幸脫饑寒迫苦望來年麥有秋雪後豐  
穰縱可卜忍死焉能遲麥熟欲從溝壑起遺黎安得蒼天更  
雨粟

思無邪齋詩存

卷一

五

江上放舟

擘楫高歌出水關大江東去賦刀鏗愁聞彭蠡一聲鴈看遍  
匡廬萬疊山天地無情生白髮神仙何術駐紅顏滔滔歲月  
催人老翻羨雙飛野鳥閒

山家卽事

到此忘塵世山家野趣長編籬依瘦竹築室枕高崗漉酒新  
篘熟樵松入爨香賽神村鼓急所祝是豐穰

宵征

落日虎狼驕山深聽怒暉陰霾千壑暝冷逼萬峰高獵火明

前嶺松風響暮濤宵征心膽折感嘆首頻搔

題張敬堂觀察 保慈補讀圖

遺訓痛傳經蹉跎此身乾坤雙鬢短風雨一燈親白日嗟  
何速青瑣不厭貧感君勤學意予亦悔風塵

德化山中

萬壑勢迴榮羣峰列翠屏驚湍挾風雨空谷走雷霆瘦竹千  
竿碧炊煙一抹青人家任何許林際露巖扁

上元舟中寄懷銘周從兄

落日大江邊愁心共日懸欲憑東去水流夢到君前

思無邪齋詩存 卷一

六

以山水竹扇寄去鏐即題其上

思君當暑夕竹扇附郵筒去伴高人塵能生小室風青山歸  
興滿別思畫圖中何日深林下招涼與子同

泊舟湖口潮聲諠枕達且不寐口占寄呈關中袁筱

午學士 保恆

鄱陽此夕孤舟泊夜半潮迴萬馬來撼夢波濤常在枕打窗  
風雨急如雷憂深關輔黃塵暗身卧江湖白髮催多少蒼生

未憐息安邊還望濟時才

山中早行

晨起襟懷爽山行意自便嵐光青欲滴水氣白於煙出處真  
吾道風塵老歲年干戈何日靖歸卧白雲邊

歸途寄去鏐

忽忽風光又一年迢迢客路著歸鞭小桃弱柳弄春色匹馬  
斜陽悲遠天之子久違心悄悄故鄉無信意懸懸村醪味薄  
不成醉目斷荆塗起暮煙

出汴口占

一曲春宵月向西催人又聽五更鷄多情惟有汴堤柳亂撲  
飛花送馬蹄

思無邪齋詩存 卷一

七

匡廬道中

落日匡廬道尋幽入翠微苔痕侵屐齒野色上人衣深谷轟  
雷轉橫空匹練飛風光信奇絕對此欲忘歸

客中偶成

雲水動羈愁風塵悔浪遊平生幾兩屐萬里一孤舟冰雪關  
河迴干戈歲月適昂藏羞對鏡華髮恐盈頭

過嶧函題壁

形勝中原勢熟諳暮雲落日度嶧函塵埃誰議棄縵者世事  
羞為捫蝨談隴上軍聲遲羽檄關中杼軸廢桑蠶投書待訪